

13. Vnd sollen solche peremptorische oder zerstörliche Exceptiones, damit die Sachen nicht zu lange aufgeschürzet vnd verzogen/ auch zumahl vnd in einer Schrifft/ wie hievor von den Dilatoriis vermeldet/ §. 8. eingebracht werden. 7. 4. 2. §. 1.

Tit. XXXII.

Von Caution, Vorstand vnd
Sicherheit.

Nach dem die Einrede vmb Vorstand vnd Sicherheit/ gar nahend in allen Sachen/ an unserm Fürstlichen Hoffgerichte/ gleich zu Eingang der Sachen/ auch in den Fällen / da sie von rechts wegen nicht statt hat/ bißdaher eingewendet/ vnd die Hauptsachen dadurch vielfältiglich verlängert vnd aufgehalten worden seynd / Dem für ohin zu fürkommen/ setzen vnd ordnen Wir : So der Kläger vnd Antwortter vor Gericht erschienen/ vnd der besklagter vom Kläger begehret/ durch sich oder seinen Anwald des Rechtlichen Streits aufzuwarten / vnd ob er der Sachen vberwunden würde / allen Kosten vnd Schaden ihme zu entrichten/ Caution,
Benz